

datus Exper. FRENZELIO, Viro peritissimo, eidem-
 que chirurgo primario equitum excubiatoriorum SE-
 RENISSIMI PRINCIPIS ELECTORIS NOSTRI,
 in quo viro alterum sibi parentem obtigisse, lactissima
 mente praedicat. Siquidem ille non solum in ingenio eius
 formando omnem operam collocavit, artisque chirurgi-
 cae praecepta tradidit, verum etiam benigne veniam ei
 concessit, aegrotos, ipsius curae demandatos, visitandi et
 examinandi, quam admodum sibi vtilem fuisse profitetur.
 Eiusdem viri benevolentia et cura euenit, vt noster ex
 scholis Ill. HAENELII, Excell. PITSCHELII, b. WASS-
 SERMANNI et Clar. STEINLOECHLERI, quae
 nomina summa semper obseruantia culturum se recipit,
 accuratam doctrinarum medico-chirurgicarum cognitio-
 nem haurire posset. Tam bene praeparatus, ad au-
 gendas eruditionis copias, anno septuagesimo secundo,
 in hanc academiam se contulit, ab Excell. BORTZIO,
 eius tunc RECTORE, ciuibus nostris adscriptus. Itaque
 coepit audire Excell. SEYDLIZIUM, logicam et doctri-
 nam morum proponentem, Excell. MORVM et Excell.
 CLODIUM, veterum Auctorum nonnulla scripta inter-
 pretantes, et Summe Ven. BURSCHERVM, historiam
 emendationis sacrorum enarrantem. Historiam natura-
 lem atque botanicam Ampl. LESKIVS, physicam experi-
 mentis illustratam et doctrinam de electricitate Exper.
 LUDWIGIVS ei explicuerunt. Vt vero ad accuratam
 medicinae cognitionem perueniret, singulas eius partes
 hoc modo tractandas sibi sumsit. Nempe physiologiam,
 materiam medicam, pharmaciam, et chemiam experi-
 mentis illustratam in praelectionibus Exper. LEONHAR-
 DI didicit, cuius examinibus quoque et scholis priuatissi-
 mis, ad repetendum totius Medicinae ambitum institutis,